

ատենադպրին էին եւ այլ արքունի **Գրագիրք**, որպէս եւ յիշին ուրեք 'ի գիրս¹¹⁷. դարձեալ եւ **Թարգմանք** եւ գրիչք այլ եւ այլ լեզուաց, որպէս լատինականի, յունի, փռանկի եւ արաբացոց. առաջնոյն՝ առ Լեւոնի յանուանէ յիշի *Բաւոն* (Bavon կամ Bovon), որ եւ ընդ Հեթմոյ-Հեղեայ դեսպան առաքեցաւ առ կայսր Ալամանաց եւ առ Քահանայապետն Հռովմայ (1211):

Ի կանոնի Թագաւորօրհնէից ընթերցաք 'ի պաշտօնեայս տանն արքայի եւ **գՊօղլեր**, (Butellarius կամ Buticularius, Boutillier), որ է *Մատռուակ*, կամ լաւ եւս Գինեպետ, եւ տնտես սեղանոյ արքայի. որոյ իշխանութիւն կամ պաշտօն ոչ ձգի արտաքս, այլ զի զօրքստօրեայ պարէն թագաւորի հոգայ՝ մեծ եւ զգուշաւոր պաշտօն համարեալ է:– Ի նմին Կանոնի յիշեցաւ եւ **Աւագ Չայուշ** որ նշանակէ զՆուիրակապետ կամ Սուրհանդակապետ. յայտ է 'ի կոչմանէն՝ 'ի Թուրքաց ներամտեալ պաշտամանս, նաեւ յարքունիս կայսերաց Բիւզանդիոնի նոյնպէս կոչելով, Օ' μέγας Τζαούσιος. առ որս՝ հրամանատար էր սա երկաթաբիր եւ

1207 *Վասիլ*.

1236 *Մանուէլ*.

1243 *Գրիգոր երէց*.

? *Անդրէաս*.

1261 *Թորոս արքեպիսկոպոս*.

1288 *Հեթում*.

1307 *Գրիգոր*.

1321 *Տէր Կոստանդին արքեպիսկոպոս Դրագարկի*.

1331 *Վասիլ*.

1333 *Յովհաննէս Երիցանց*.

1335-45 *Վասիլ*.

Առ Բ Լեւոնի փռանկ լեզուի Քարտուղարք յիշին՝ յամի

1271 *Ճօֆրէ* (Joffroy l'Escrivain)

1274 *Գիլլոմ* (Guillaume le Velu)

¹¹⁷ Յիշէ ոմն մի ըստ միոջէ զայսոսիկ Գրագիրս.

Գրիգոր դպիր.

Վասիլ դպիր.

Հեթում երէց.

Կոստանդին Շարահիւսանց.

Սարգիս երէց քեռորդի Ստեփանոսի Վահկացոյ: